

畢業生。須已滿服務期限者。(一)師範簡易科實業教員講習所簡易科畢業取列最優經奏獎有案者。亦得認爲中學校同等資格。(二)考試所得貢生恩拔副歲優。均包括在內。(二)廩增附生甄錄試。由該管縣知事執行。(一)廩增附以有學冊證明者爲限。如學冊已佚。應取其本縣舉貢廩增附及高等專門畢業生或有職人員三人以上之證明切結。經地方官核准。始准報名。(二)各學校畢業獎給之廩增附。准一體甄錄。(一)應試人應取具本籍紳士二人以上之保結。證明確係本籍人或寄籍三年以上。並無施行細則第三條各款情事。其保結格式。應由各省擬定。(一)應試人願書式樣。由各省頒發。願書內應敘以年歲籍貫資格及三代存沒並附相片。(一)各道尹可派充道試監試官。公署僚屬係薦任待遇者。可派充襄校。但須慎選相當人員。(二)各道試期不同日亦可。但相差不可過五日以上。(一)道試典試官。應由省刊給木質關防。(一)道試試卷格式。由各省擬定咨局備案。(一)試卷應糊名。卷面

及彌封處。均蓋用關防。(一)考試時應禁止夾帶。考試規則。准由監試官擬定。詳巡按使核准。並咨局備案。(二)違背考試規則情事。得由監試官酌量處分。並詳巡按使核准。(一)典試襄校得酌給津貼。(二)應考各生。准酌收考試費一元。(一)及格俊士文憑及省試試卷格式。均已飭局擬定咨發。

▲伍廷芳演說靈魂。三月十二日四時。上海尙賢堂。請通神社伍廷芳君演說人之靈魂與身體之關係。到者數百人。伍君之言曰。人之靈魂。永遠不死。無始無終。此即上天所造。特人之身體。如衣服然。不可過於看重。須時加磨鍊。乃能進化。若磨鍊數世。變爲完全善人。便可得有極樂境界。語云。人生七十古來稀。余夙講衛生。自詡可活二百歲。然終有一死。死後靈魂猶在。如人夜睡不過休息身體。而靈魂並不睡。猶能出去作事。如誠心欲見一人。無論遠邇。夢中皆可會面。倘日間有事。不能決斷。睡時謹記胸中。醒來即可定奪。天下不少奧妙之學。大都視之無形。不知考究。蓋有形者爲陽。無形者

爲陰。陰在先而陽在後。人知地球爲世界。不知地球外尚有無數世界。凡人喜怒哀樂之氣。不但發於一己。且可感觸他人。昔余在前清使美多年。回國後每念外國強而我國弱。頗覺熱心國事。奏請政府於文教武備。逐一改良。無如在朝大小諸臣。有謂此項須緩辦。此項不宜於中國者。余日居京邸。受其種種腐敗習氣。而心亦漸餒。乃知國事不可爲。始引疾來滬。可見氣之感人深也。今西人著有一書。係用攝影法照人之氣。各圖詳列。請諸君一覽焉。（伍君將書展開。逐頁指與在座同閱。共有五十餘圖。）凡人慈善險惡。圖中皆有形色爲分別。末圖係向賭博場中所照。中心現圓形。蓋賭者一心爲利己也。可不懼哉。世人皆昧無形之理。要知身爲塵身。塵身之外。包有依達身。約厚二尺。與塵身一線相連。但隱而不現。凡人將死。靈魂帶依達身。脫離塵體。其線始斷。特依達身初尚不能遠離。常常護其屍體。如人初死。生人偶見黑影。疑爲鬼。其實卽依達身也。惟不能言及葬。猶常繞其墓旁。久則依達身亦化去。其靈魂則早

記 載

至陰間矣。居數十年或數百年不定。如人致祭祖宗。不忘木本水源。孝心實堪敬佩。但其祖宗或早已投胎或至別界。未能必其來享耳。人生無知識者。死後亦鮮知識。可知陰間與陽間無異。特善者復樂。惡者受苦。陰間無烟酒。凡嗜烟酒者。死後不能過癮。則靈魂受苦。若害人之人。死後良心發現。追悔無及。其苦更不勝言。西國結婚。俗尚自由。昔有甲乙二人。與一女咸有愛情。皆思娶之爲室。特一女不能嫁兩夫。甲私將乙害死。未幾甲亦死。此女仍嫁他人。甲乙相會陰間。乙不知爲甲所害死也。仍以爲良友。欲與接談。而甲便遁去。蓋此時良心發現耳。其愧怍困苦情形。較受官刑尤爲難堪。如人心存慈善。靈魂永遠安樂。願諸君仔細思之。善保靈魂。永無苦惱。莫以爲虛無而置之腦後也云云。

▲中國開放門戶之決議案 大陸報一月二十八日華盛頓消息云。今日上院議員希爾芒氏。提出中國開放門戶之決議案。付外交委員會審查。其文如下。日本又向中國提出與一年前所提出者同樣之種種嚴厲